



Broj, 01-07-10-51-163/2024
Sarajevo, 28.8.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Renate Radić-Dragić, [REDACTED] [REDACTED] od 26.6.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se zahtjev za pristup informacijama da li je u disciplinskom postupku protiv sudije Općinskog suda u Orašju M [REDACTED] Đ [REDACTED] donesena pravosnažna odluka.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 26.6.2024. godine zaprimilo zahtjev Renate Radić-Dragić, [REDACTED] [REDACTED] (u daljem tekstu: podnositeljica zahtjeva) za pristup informacijama kojim se traže podaci u vezi sa disciplinskim postupkom protiv sudije Općinskog suda u Orašju M [REDACTED] Đ [REDACTED]. Naime, imajući u vidu da je Odlukom prvostepene disciplinske komisije VSTV-a BiH od 2.4.2021. sudija Đ [REDACTED] udaljen od vršenja dužnosti sudije tog suda, tražena je informacija da li je donesena pravosnažna odluka u ovom disciplinskom postupku i ako jeste, tražena je kopija odluke.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama u Bosni i Hercegovini.


Uvidom u službenu dokumentaciju utvrđeno je da je sudija M [REDACTED] Đ [REDACTED] Odlukom disciplinske komisije udaljen od vršenja dužnosti sudije Općinskog suda u Orašju do pravosnažnog okončanja krivičnog postupka koji je protiv imenovanog pokrenut po podizanju optužnice Kantonalnog tužilaštva Posavskog kantona. Disciplinski postupak protiv sudije Đ [REDACTED] po ovom osnovu nije pokrenut niti vođen.

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog, a može se izjaviti i na zapisnik kod VSTV-a BiH. Žalba se podnosi putem VSTV-a BiH, a na istu se shodno odredbama Zakona o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07 i 98/12), plaća taksa u iznosu od 10 KM, po tarifnom broju 2. Tarife administrativnih taksi.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za disciplinske postupke i etiku nosilaca pravosudnih funkcija
3. U spis